



3. juni 2025

Inatsisartut ingerlatsinermut maleruagassaasa § 37 imm. 1 tunngavigalugu matumuuna ukunannga Naalakkersuisunut apeqquteqaaterparpunga.

Naalakkersuisunut apeqquteqaatit:

1. Oqaaseqartitsisimanerit ataani takuneqarsinnaasut malillugit Naalakkersuisoq oqariartuutit taamaattut atornerisigut sunaana anguniaraa?
2. Naalakkersuisuni aatsitassanut oqartussaasoqarfimmiit maanna timitalimmik Kina-mit aningaasaliisinnaasunik aamma/imaluunniit politikerinik oqaloqateqartoqarpa?
3. Aningaasalersuinissat qanoq isikkullit Naalakkersuisut tungaannit eqqarsaatigineqarpat? Aningassat Naalakkersuisunut tunnissaat siunertarineqarpa (allaffissornermut siammartiterinissamullu Naalakkersuisunit atoruneqarsinnaanngorlugit) imal. Naalakkersuisut Kalaallit Nunaanni pilersaarutaasut sinnerlugit oqaluppat?
 - a. Kingullertut taasami, taava piginneqatigiiffiit/pilersaaruteqartuusut suut aallaavigineqarpat?
 - b. Naalakkersuisunit aningaasat qanoq amerlatigisut ujartorneqarpat?
4. Avammut oqariartuutit issuarneqartut, Kalaallit Nunaanni piginnaatitsissutinik tunineqarnikuusut inuussutissarsiortunillu soqutigisarisaasut suliniutaasullu aningaasalersuinissaq kalaallillu immineq pilersaarutaannut aningaasaliinissat pillugit oqariartuutit ataqatigiissaagaasumik ingerlanneqarpat?
5. Naalakkersuisut nalunaarutaat Naalakkersuisut aatsitassaqaarnermut atatillugu aammalu Kina-mik, USA-mik aammalu EU-mik suleqateqarsinnaanermut atatillugu pisortatigoortumik politikkiannik aallaaveqarpat?
6. Suliniutit suut allat Naalakkersuisunit aningaasaliisinnaasunik ujartuinerni aammalu Kalaallit Nunatta aningaasaliiffigissallugu kajungernarnerurulersinniarnerni ingerlanneqarpat?
7. Financial Times-imi allanneqartumi Naalakkersuisunit USA-mik isumaqatigiissuutit suut eqqarsaatigineqarpat?
 - a. Allanneqartumi isumaqatigiissutitut taaneqartumi killiffik maanna sumiippa Naalakkersuisorlu issuarneqartoq (Inuussutissarsiornermut il.il. Naalakkersuisoq) isumaqatigiissutitut taaneqartumi qanoq akisussaassuseqarpa?
 - b. Isumaqatigiissutitut taaneqartup suut imarivai qanorlu isumaqatigiissut sivitsorne-qanngippat tamanna Aatsitassaqaarnermut kinguneqarsinnaava?



(Inatsisartunut ilaasortaq Per Berthelsen, Demokraatit)

Tunngavilersuut

Inuussutissarsiornermut, Aatsitassaqaqarnermut, Nukissiuuteqaqarnermut, Inatsisinik Atuutitsitsinerimut Naligiissitaanermullu Naalakkersuisoq nunani allani assigiinngitsuni tusagassiuutitigut oqariartuuti-minik issuarneqarsimavoq, imatut paasineqarsinnaasunik, tassalu USA/EU nunatsinni aatsitassar-siornermut aningaasaliissasut, tassanilu Kina tamanna anguniarlugu "qunusaarutitut" atorneqarluni, soorlu assersuutigalugit ataani atuarneqarsinnaasut

- *"Greenland says it will turn to China if US and EU shun its mining sector"* (Financial Times, 27. Maj 2025)

- *"[...]Kalaallit Nunaat Kinamik suleqateqarnialersaarpoq" kiisalu "USA aamma EU aatsitasssalerinernik pimoorussillutik aallartitsinnianngippata, taava Kalaallit Nunaat allanik suleqatissarsiusaaq – tassanilu Kina periarfissani qallersaavoq."* (Berlingske Tidende, 27. maj 2025)

- *"Aatsitassaqaqarnermut Naalakkersuisoq aatsitassat qaqutigootut pillugit mianersoqqussu-teqarpoq: EU-mit aningaasalersuisoqalernissaq qaqugorsuarmut utaqqiinnarsinnaanngilarput"* (Børsen, 13. juli 2024)

- *"[...]Kalaalliot Nunaanni aatsitassaqaqarnermut Naalakkersuisup? Kina aggesarpaa"* (Zetland 23. januar 2025)

Allanneqartuni qulaani taaneqartuni takuneqarsinnaanngilaq USA-mi, EU-p nunat ilaasortaasa akornanni oqariartorfigineqartut tasaanersut ingerlatsivissuit/aningaasaliisarfiit imal. nunat pineqartut Naalakkersuisui/Ataatsimiititaliarsui annertusisamik oqartussaaffilikkat (Kommissionit).

Apeqquteqaatima ullut suliffiusut qulit iluanni akineqarnissaat qilanaaraara.